



Broj: 01-02-1-35/15

Sarajevo, 29.12.2015.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
САРАЈЕВО

PRIJEDLOG 0-12-2015			
Organizaciona jedinica	Klasifikaciona oznaka	Redni broj	Broj priloga

B

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14, 81/15 i 97/15), Zakonodavno-pravni sektor dostavlja:

MIŠLJENJE

o usklađenosti Prijedloga zakona o korištenju i upravljanju imovinom u državnoj svojini Bosne i Hercegovine s članom 105. Poslovnika Predstavničkog doma Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-1-35/15, od 28.12.2015., dostavila Prijedlog zakona o korištenju i upravljanju imovinom u državnoj svojini Bosne i Hercegovine (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Prijedlog zakona podnijeli su 25.12.2015. poslanici u Predstavničkom domu Parlamentarne skupštine BiH Šemsudin Mehmedović i Zaim Backović, kao ovlašteni predlagači, u skladu s članom 104. stav (1) Poslovnika Predstavničkog doma.

I. Usklađenost s odredbama Poslovnika Predstavničkog doma Parlamentarne skupštine BiH

Prijedlog zakona podnesen je u formi teksta, u pisanoj i elektronskoj formi, na bosanskom jeziku i usklađen je s članom 105. stav (1) Poslovnika Predstavničkog doma.


Uz Prijedlog zakona dostavljeno je obrazloženje koje *ne sadrži principe na kojima je zasnovan Prijedlog zakona*, kao ni *procjenu finansijskih sredstava neophodnih za njegovo provođenje*, a što bi bilo u skladu s članom 105. stav (3) tač. c) i d) Poslovnika Predstavničkog doma. S obzirom na to da su poslanici predlagači Zakona, *mišljenje Direkcije za evropske integracije o usklađenosti prijedloga zakona s zakonodavstvom EU* pribavlja Kolegij Doma u skladu s članom 105. stav (4) Poslovnika Predstavničkog doma.

Iz navedenog proizilazi da Prijedlog zakona o korištenju i upravljanju imovinom u državnoj svojini Bosne i Hercegovine *nije u potpunosti* usaglašen s članom 105. Poslovnika Predstavničkog doma.

II. Usklađenost s Jedinštvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinštvenim pravilima za izradu pravnih propisa u institucijama Bosne i Hercegovine, te je *usklađen* s Jedinštvenim pravilima za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora
Mirjana Kutanjac



Dostaviti:

- naslovu
- sekretarki Zajedničke službe Sekretarijata